

**Učešće na prvom seminaru i prvom godišnjem sastanku EUROSAI radne grupe za reviziju općina -
EUROSAI Task Force on Municipality Audit**



Predstavnica Ureda za reviziju institucija u Federaciji BiH Amela Mulahalilović, učestvovala je na prvom seminaru i prvom godišnjem sastanku EUROSAI Radne grupe za reviziju općina (EUROSAI Task Force on Municipality Audit – TFMA), koji su održani 05. i 06. oktobra 2017. godine u Rigi, Latvija. Domaćin je bio Državni ured za reviziju Republike Latvije u saradnji sa Državnim uredom za reviziju Republike Litvanije.

Glavni cilj sastanka je razmjena dobre prakse i iskustava, te potraga za najboljim načinima kako bi se ostvarila najviša dodana vrijednost revizija lokalnih vlasti.

Jedna od glavnih koristi vrhovnih revizorskih institucija (VRI) je vrijednost koju pruža građanima, a koja proizilazi i iz načina utroška sredstava lokalnih vlasti. Građani su zainteresovani da dobiju informacije na koji način se troše javna sredstva. Međutim, VRI nemaju na raspolaganju dovoljne resurse koji bi osigurali kontinuirano praćenje upotrebe javnih sredstava u svim oblastima i u svakoj pojedinačnoj lokalnoj zajednici. Zbog navedenog, učesnici sastanka su razmijenili svoja iskustva i ideje o tome kako povećati dodanu vrijednost rada VRI, da bi se osiguralo da rezultati revizije dosežu što širi auditorijum i daju što veći doprinos u osiguranju dobrog upravljanja, te zakonske i efikasne upotrebe javnih sredstava na lokalnom nivou.

Na sastanku je razmatrano izvršenje „TMFA radnog programa za period 2017-2020. godina“, kao i planiranje aktivnosti za 2018. godinu.

Sastanku su prisustvovali predstavnici VRI iz 30 zemalja, kao i predstavnici Švedske asocijacije lokalnih vlasti i regija i Evropske organizacije regionalnih revizorskih institucija (EURORAI).

Sarajevo, 11.10.2017.g.